

Ийэкээм

(анабыл)

Ийэкээм, эйигин саныбын,
Бүгүнгү үтүкөн бу күнгө
“Төрөөбүт күнгүнэн” этиэхпин
Аттыбар эн суоххун, эн суоххун.

Кылыады уус кыына буолаңнын
Күн сириң күндүтүн көрбүтүн.
Бэрт элбэх оҕолоох дьизэ кэргэн
Тапталлаах кысчаана буолбутунг.

Иһирэх тапталга иитиллэн,
Дьизэ ис- тас үлэбэ эриллэн,
Оҕо саас дьизэрэнкэй тэбиинэн
Улаатан испитинг эн ситэн.

Олоххо бигэтик тахсаңнын
Көрүстүң ыал буолар аналгың-
Үс оҕонг тапталлаах аҕатың,
Үйэлээх олобун аргыһын.

Айылбаң анаабыт алгыһа,
Айдары суолларың батыһа
Оһуохай оонньуутун сатааңнын,
Алмаастаах Ааныс диэн аатыртың.

Ийэкээм, ийэкэм барахсан,
Барбытың суох буолан, арахсан,
Ол эрэн аттыбар эн бааргың,
Күннэтэ саныбын, ахтабын...

Ийэкэм ырыатын саныбын

Ийэкэм ырыатын саныбын,
Уйулбан ыллаһар матыбын,
Аймыыра мин оҕо дууһабын –
Туттуна сатыбын ытыырбын:

“Оо, ийээ, тохтоо даа, тохтоорууй,
Итинник ыллаама, эн бүтүүй,
Эн ыллаан бүтүүй дуу, уоскуйууй,
Аттыгар мин баарбын дии, көрүүй”.
Харабын ууларын илгэнгин
Эн миигин дьэ өйдөөн көрөрүң:
“Оҕоккоом, кэл бэттэх”, - этэнгин
Истинник кууһаргын өйдүүбүн.

Ийэкээм, итинник ыллаама,
Харабын ууларын тоҕума,
Хаһанын бу маннык буолабыт,
Мэлдьитин дьадангы сылдыабыт.

Биһиги улаатан туруохпут,
Дьон тэнэ олоҕу тутуохпут,
Эйигин мэлдьитин өйүөхпүт,
Эн аас- туор олоххун өйдүөхпүт.

Ийжээм, эйигин саныбын

Ийжээм, эйигин саныбын,
Ахсаабат , самныбат кыһамнын
Мэлдытин арыаллыы сылдыарын,
Төһөлөөх эн дууһанг ыалдыарын.

Эн үс кыыс оҕону төрөтөн,
Ол иннэ үс оҕонг өлбүтүн –
Олоххо дьулуһар төрүөтүн,
Хайдахтаах эрэи көрбүтүн.

Ардыгар айманан ыларын:
“Эһиги бу кэлиэх быаҕытын
Быспатах айыылаах буоламмын,
Эрэй- мунг атыллаах сылдыабын”.

Биһиги улаатан испиппит.
Эйиэхэ көмөлөөх буолбуппут,
Ийэбит мичээрэ мичийбит
Суолбутун олоххо булбуппут.

Олоххо суолбутун туппуппут,
Эйигин көмүскүүр буолбуппут,
Үүт сүүрдэ олорор ырыаҕын
Булбута эйэбэс матыыбын.